

tigny en estoit admiral; son frere mons<sup>r</sup>. de Tilly commâdoit le vaisseau de Montreal dans lequel repassoit Mons<sup>r</sup>. de maisonneuve; & mons<sup>r</sup>. Godefroy vn autre vaisseau; on tira trois coups du fort lorsque mons<sup>r</sup>. de repentigny en fortit prenant congé de mons<sup>r</sup>. le gouu. & trois du magazin lorsqu'il s'embarqua dans la chaloupe; reciproquem<sup>t</sup>. tous les vaisseaux: leuant l'ancre saluerent mons<sup>r</sup>. le Gouverneur.

Le P. Quentin procureur ordinaire; & nôe f. dominique skot venu des Hurons pour son Infirmité de polmon, passerent dans l'Admiral

le 25. partit mons<sup>r</sup>. le Gouverneur p<sup>r</sup>. aller a l'Isle aux oyes, où il faisoit trauailler à la terre & y auoit 7. ouuriers: il laisse mons<sup>r</sup>. de Chauigny p<sup>r</sup>. Son lieutenant, & me donna vn papier cacheté p<sup>r</sup>. dans lequel estoit l'ordre a garder en cas qu'il vint faute de luy: il mena avec soy mons<sup>r</sup>. Nicolet prestre & me fit prier de luy prester vne *chapelle garnie*: on luy en donna vne où il y auoit calice d'Argent, chasuble neuue, fort belle nape & grande, belle ausbe & tout le reste a l'auenant, il desira sur tout qu'on luy donnast bougie & hosties: bref rien n'y manquoit.

*Chapelle prestée a  
Mr. Nicolet p<sup>tre</sup>. &c  
rendüe & represtée  
infra.*

*on va a beaupré.  
M. de St. Sauueur.*

Ce mesme Iour partit mons<sup>r</sup>. de St. Sauueur pour beaupré; messieurs de cette Comp<sup>ie</sup>. luy donne 25. escus par an pour y faire quelques voyages & y auoir le soin du spirituel & tem-